

Defaueu dun sei-

gneur de Hainault/de la lettre escri-
pte en son nom par Mon-
sieur le Cardinal de
Lorraine.



L. 17956

H. 1959

A Amiers.

M. D. LXXV.

Case

F

39

326

1565des

THE NEWBERRY
LIBRARY

DESAVEV D'VN SEI-
gneur de Hainault, de la lettre es-
crite en son nom par monsieur le
Cardinal de Lorraine.

Vous pouuez maintenāt cognoi-
stre(ou vous auez, mōsieur le Re-
uerendissime, les veines de l'en-
tendement bien cōstipees d'vne lour-
de & grossiere ignorance, ou les sens
perclus d'vne opiniaistre obstination)
quel prouffict il y a à mesdire iniuste-
ment d'autrui. La premiere responce
qu'a faict à vōstre lettre ce Huguenot
(car ainsi sans iniure, & pour vous fai-
re plaisir il me plaist pour ce coup ap-
peler ceux de la Religiō reformee) vo^r
en a peu donner quelque goust & sen-
timent. Mais celle de nostre Catholi-
que, qui a māgé plus de sel avec vous,
& sçait comme il vous fault traicter,
vous en a, à mō aduis, faict passer l'en-

uie. Balaam fut loué pour maudire le
peuple de Dieu, & le benissant il mau-
dict le mesme Moabite , qui l'auoit
faict venir. Vous auez emprunté (sans
demãder) mon nom, pour dire iniures
mésongieres cõtre des seigneurs Frã-
çois, que ie cognois mieux que vous:
& en ce mesme nom vous auez ouy
par celuy enuers lequel vous en auez
pensé abuser la verité de leurs louãges
& vertus, & de vos vices & malheurs.
Car c'est l'ordinaire (dit le sage) Que
cõme la pierre & le fer repoussent la
flesche cõtre celuy qui l'a tiree, ainsi
retournel'iniure & conuice cõtre ce-
luy qui les dit . Pourtant de la mesme
fosse que vous auiez faicte pour enter-
rer leur gloire & honneur, vous auez
par vostre malheur tiré à mont & mis
en euidẽce vostre hõte & deshõneur.
Vous auez voulu faire du harangueur
& rhetoricien, & vn gentilhomme de

Hainault vous apprend à parler François. Vous avez trauaillé à offenser trois ou quatre personages, & de vostre fatal malheur vous avez offensé tous les autres exceptez ceux là : Car comme ainsi soit qu'ils se taisent, & en leur cuer se mocquent de vos sottises & vanitez, tout le monde prend leur cause & leur defense en main contre vous, Catholiques & Reformez. Vous avez voulu cōplaire à quelques vns, & maintenant n'y en a point de plus confus, soyent gens de Iustice ou Marchans, que ceux qui avec vous se sont chatouillez pour se faire rire. Car comme la goutte (ce dict-on) cōmence par vn certain chatouillement qui soubdain se tourne en tresaigres & poignantes douleurs : ainsi ceux mesmes qui ont corrigé vostre lettre, qui l'ont faict stemper & venir au monde, se voyants descouuers, tremblent de

froide peur, cognoiffants bien qu'au lieu d'un pot qu'ils pensoyent faire (ainsi que l'un d'eux nagueres disoit) ils ont faict un poillon, ayäts euxmesmes donné les commēcemens de decouvrir les aydes, ouuriers & conseil- lers de vostre propre lettre. Et com- me en mentant d'autrui vous auez prins un legier plaisir, ainsi en faisant dire vray de vous, vous en moissonnez un angoisseux desplaisir.

Mensonge (mon sieur le Reueren- dis- sime) vice propre des meschans est generallemēt odieux à tous, mais plus infeste aux meschäs qu'aux bons. Car (comme de vous mesme vous pouuez cognoistre) il n'y a gens qui plus impa- tiemment portent d'estre trompez & deceuz par mensonge q̄ les plus grāds mēteurs. Ainsi fustes- vous trois iours malade de honte, & de toute vne sep- maine ne vous laissastes voir, quād vo^{us}

vous trouuaſtes gabbé de l'abbaye de Belle-Prée, delaquelle vous auiez pēſé frustrer le pauvre S. Estienne. En quoy le feu Roy Henry (ainſi qu'il eſtoit argut, graue & modeſte en ſes faceties) rencontra fort à propos, quād il vous dict lors, que vous n'eſtiez pas ſeul regnard par les chāps. De meſmes mal cuidaſtes-vous mourir, quād vous fuſtes tondu de la donation ſuggeree, q̄ vous vous feiſtes faire par monſieur le Duc de Longue-ville dernier decedé: là où le meſme Roy Henry (ſe iouant avec vous des termes, deſquels le feu premier p̄ſidēt Lizet auoit autresfois en ſa preſence parlé à vous) vous dict, Mon fils vous eſtes encores ieune, & n'entendez pas encores bien les eſcriptures. Si dōcques le mēteur eſt faſché de ſe voir vaincu de ſō propre artifice, vaīcu dy-ie de ſon ſemblable, combiē le ſera-il plus fort de l'eſtre par ſon cō-

traire? Pourtant ie ne doute point, que
comme vous ayez faulſement vſurpé
mon nom, ce ne vous ſoit choſe mal
plaiſante à ouir ce mien deſaueu veri-
table. Mais quoy? vous & toute voſtre
race de Guyſe, eſtes ſi pleins de mal-
heur, que quiconques vous accoſtez,
eſt incontinent abbrevué de deſaſtre
& infortune. Il y a eu des hōmes, des
heritages & des choſes mobiles auſſi
qui ont infecté de malheur leurs poſ-
ſeſſeurs. Le cheual de Seianus rendit
tous ſes maiſtres infortunez, & tous
ceux qui toucherent l'or Tholouzain
furent malheureux : mais vous eſtes
vous meſmes le propre malheur. Que
feray-ie doncques? Auray-ie cōmuni-
catiō avec vous? Vous preſteray-ie mō
nom: & ſi vous l'avez prins ſans demā-
der, & contre mō gré, le vendiqueray-
ie poīt, premier qu'il ſoit plus infecté?
Voſtre pere eſpouſa vne Princeſſe fil-

le de Vendosme, & vostre frere aisné
luy tua avec Corneille de Bentiuele
le premier Seigneur d'Anguyen son
nepueu. Vous despouillastes vous mes-
mes feu mōsieur le Cardinal de Bour-
bon, son frere, & vostre oncle, & tous
deux par main cōmune auez persecu-
té le dernier Roy de Nauarre & mon-
sieur le Prince de Condé voz cousins.
Vostre frere aisné dernier Duc de
Guyse espousa vne fille de Ferrare, &
iamais homme ne persecuta si grief-
uement ceste grāde & vertueuse Prin-
cesse fille au Roy Loys, sa belle mere,
que luy mesme son gendre. Vous &
luy espousastes d'un mesme mariage
(i'enten spirituellement) la Duchesse
de Valérinois, & vous porta tous deux
l'vn en selle & l'autre en croupe, &
iamais gens si viuement ne pourchas-
ferent sa ruine que l'un & l'autre auez
faict. Car combien de fois pourchas-

sa l'un & l'autre de la faire chasser par
le Roy Henry, & faire mourir par le
Roy François son fils? Le Duc d'Au-
malle vostre frere a espousé la dernie-
re fille de ceste Duchesse: or combien
de tēps auez-vous esté apres elle pour
luy faire desheriter sa fille aisnee Du-
chesse de Bouillon? & estes encores
chascun iour pour faire aduantager la
fille puisnee, contre la mieux aimée?
A quelle autre fin tendoyent tant de
caresses au feu sieur d'Auançon, que
vous hayssiez à mort, sinon l'esperance
que vous auiez prinse qu'il pratique-
roit enuers elle les donations que sans
honte vous luy baillastes escriptes de
vostre propre main. Vous & monsieur
le Cardinal de Guise vostre frere auez
vous pas accoustre de toutes façons
voz espouses? (ie veux dire les eglises
q̄ vous auez enuahiz) Le Marquis d'El
beuf vostre frere puisné a espousé vne

filles de Rieux, dame d'honneur & de
vertu : Qui est-ce qui a desherité le
Marquis de Nesle mari de sa sœur aî-
née, & a fait donner tout son bien
que vous mesmes, par le ministere du
sieur d'Antragues vostre maquignon?
Qui a persecuté le seigneur d'Andelot
mari de la seconde sœur, que feu vostre
frere & vous? Mais quoy? les alliances
que lon a pratiquées, ont-elles esté
moins infortunées que celles qui ont
esté accomplies? Car qu'est-il advenu
d'avoir traité le mariage de monsieur
de Guyse vostre nepveu avec la fille &
heritiere de monsieur le Marechal de
sainct André: sinon que vous avez ré-
du le pere ia mort, & la mere encores
viuante sans enfans: ne qui a mis fin
aux violences, dont en cela vous avez
usé, que la mort de celle que vous a-
viez ravie? Quel bon heur avez-vous
apporté à la maison de Mezieres, dont

vous auez voulu auoir la fille pour vn
de voz nepueux, que la spoliation de
la plus belle piece de leur maison, leur
ayāt arraché le Comté de S. Forgeau?
A quelle fin brassez le mariage de vo-
stre niepce fille de monsieur d'Auma-
le avec le sieur de la Roche-guyon,
que pour despouiller ce sage cheualier
sieur de Rochefort de tout son bien,
auant qu'il ait enuie de se coucher? sa-
ge pour vray, s'il s'en peult garder, cō-
me il fut hardy & braue contre vostre
frere aisné.

Si l'alliāce des masles de vostre mai-
son a esté infeste à toutes les familles
où ils se sont logez, celle des femmes
a elle esté mois infortunee? Je ne vous
parleray point de vostre sœur qui fut
mariee à la maisō du Duc d'Ascot: car
ie n'en sçauois parler qu'avec iuste ai-
greur. Parlons seulement de vostre
sœur aisnee, & laissons en arriere l'in-

fortune qu'elle apporta à l'Abbé de Beaulieu: car ceste alliance n'estoit pas honneste. Elle fut dōcques de son vivant mariee en deux maisons, Longue-uille & Escosse. Qu'est-il aduenü du premier mariage, qu'un retrāchemēt de vie à ce premier mary aussi biē qu'à celuy du second liēt? Mais qui a pillé & dissipé les riches meubles & pretieux qui estoient cōme infiniz en ceste premiere maisō, ny qui l'a laissée en grandes & incroyables debtes que vous monsieur le Reuerēdissime, Oncle maternel & Curateur du dernier Duc vostre nepueu: ne que voulustes vous faire à sa mort? Le faict est de soy si infame que ie ne le nōmeray point: i'aime mieux que les autres le lisent & apprenēt d'euxmesmes par son testament, que i'ay icy tout expres transcript, à fin qu'un chascun cognoisse quel heur c'est que de vous auoir ne

pour parent ne pour Curateur, & que par l'issue lon puisse cognoistre la iustice de Dieu, réuerfant sur vousmesmes & voz propres bastiméts. Son testament doncques, ou plustost le vostre, puis que vous l'auez faict, est tel,

A tous ceux qui ces presétes lettres verront, François de Saiffeval sieur de Marcouelles, pourueu par le Roy nostre Sire de l'office de garde du seel Royal de la baillie d'Amiens, en ladiéte ville & Preuosté d'icelle, Salut. Sçauoir faisons que le iourd'huy daté des presentes en ladiéte ville d'Amiens, en la presence de Iacques du Baille & Robert du Beguin notaires Royaux en ladiéte ville & bailliage d'Amiens, hault & puissant Prince monseigneur François d'Orleans Duc de Longueuille, Marquis de Rothelin, Conte de Dunois, Neufchastel & de Tancarville, Connestable & Chambellan hereditail de Normandie, & grand Chambellan de France a escript de sa main son nom & surnom au dessoubs de l'original de l'escript dont la teneur ensuit,

Nous François d'Orleans Duc de Longueuille, Marquis de Rothelin, Conte de Dunois, Neuf-chastel & de Tancarville, Conneftable & Chambellan hereditail de Normandie, & grand Chambellan de France, & fain de nostre penſee & entendemēt, non voulant deceder de ce mōde inteſtat: auons faiēt & faisons par la preſente nostre teſtament & derniere volōtē en la maniere qui enſuit. Et premierement nous donnons & recombādons nostre ame à Dieu nostre Createur, & à ſa benoiſte & glorieuſe mere, & à tous les ſainētſ & ſainētſes de Paradis, & elifons nostre ſepulture en l'Egliſe de Clery, où feu nostre ſieur & pere & noſſieurs nos predeceſſeurs ſont inhumez: & auons eſleu & eſlifons pour executeurs de nostre teſtament, nostre trescher ſieur & couſin monsieur le Cardinal de Vendome, & nostre trescher ſieur & oncle materiel monsieur le Duc de Guiſe: leur ſuppliāt treshūblement en vouloir prendre la charge. Et pour leur aider & ſubuenir à accōplir l'execution de cediēt teſtament, Nous ordonnons avec eux meſſire Iacques de la Broſſe, Cheualier ſieur dudiēt lieu, & Iean de Rouueray ſieur dudiēt lieu. Et des biēs

que Dieu nous a donnez en cē mōde, nous
en laissons & ordonnons la somme de dix
mil liures tourn. pour estre employee en
bienfaicts & aumosnes pour le salut de no-
stre ame , & de nosdicts sieurs predeces-
seurs. Et si auons donnē & delaisē à nos
seruiteurs gentilshommes & officiers de
nostre maison , vne annee entiere de leurs
gaiges, avec l'annee à present courant, que
nous voulons estre entierement payee. Et
pour les bienfaicts que nous auons receuz
tant à nostre personne qu'à la conseruatiō
de nos biens de nostre trescher sieur & on-
cle maternel, monsieur Charles Cardinal
de Lorraine, lequel auons tousiours tenu
pour nostre pere: A iceluy sieur Cardinal
auons donnē & donnons tous & chascuns
nos biens meubles & acquests immeubles,
dettes mobiliaries & immobiliaries, noms
raisons & actions quelzconques, en quel-
que part qu'ilz soyēt. Et au regard de nos
biens propres & heritages, Nous auons pa-
reillement donnē & donnons à nostredict
sieur & oncle tout ce que nous luy pouuōs
donner de nosdicts biens propres & heri-
tages selon les coustumes des lieux: Les-
quels nous voulons & entendons donner
à no-

à nostredict sieur & oncle, & venir à luy
francs & quittes de toutes debtes & char-
ges quelzconques, sinon des charges fon-
cieres. Laquelle presente dispositiō nous
voulons & entēdons valoir, soit par forme
de testamēt, legs ou donation, & en toute
la meilleure forme & maniere que le droit
& coustume le permet, & que ledict sieur
Cardinal voudra choisir & elire. Voulōs
aussi & ordōnōs qu'au cas que ladicte pre-
sente disposition ne puisse valoir en tout ce
q̄ dessus, soit vallable en partie, & que noz
heritiers ny autres ne puissent contreuenir
à nostredicte dispositiō & volonté, ne faire
chose qui soit au preiudice d'icelle. Et le
reste de noz biens nous les laissons à noz
heritiers, ausquels de droict & par les cou-
stumes peuuent competer & appartenir.
Et auons donné & donnōs pouuoir & au-
thorité à nosdicts sieurs Cardinal de Ven-
dosme nostre cousin, & Duc de Guise no-
stre oncle, d'augmēter nostred̃ present te-
stament, & d'ordonner de nos obseques &
funerailles selon qu'ils verront bon estre.
Faiēt en la ville d'Amiēs le Ieudi xviij. iour
de Septembre, L'an de grace mil cinq cēs
cinquante & vn, Presens nobles hommes

Loys de S. Gelais sieur de Lanfac , escuyer
trenchât ordinaire du Roy, maistres Guil-
laume Milet & Guillaume Fernel Do-
cteurs en Medecine, & Medecins ordinai-
res du Roy, Florët Pellerier & Guy de Ma-
roueul docteurs en Medecine demourans
à Amiens , Iacques de Quincarnon sieur
d'Aseuille, Guillaume Lucas chanoine de
Gournay, & autres tesmoings. Et au des-
sous est escript en grand' lettre, François
d'Orleans.

Duquel escript, qu'il a declaré estre son
testament, en l'instant lecture luy a esté fai-
cte par l'un desdicts notaires, l'autre pre-
sent. Et icelle lecture faicte ledict sieur Duc
de Longueuille a dict & declaré qu'il vou-
loit le contenu dudit escript valoir & for-
tir effect. En tesmoing de ce nous à la rela-
tion desdicts notaires auõs mis à cesdictes
presentes ledict seel Royal , qui furent fai-
ctes audit Amiens par ledict sieur Duc de
Longueuille gisant & estât au liêt malade,
& neantmoins sain de memoire & enten-
dement, comme est apparu ausdicts notai-
res, le Ieudi dixseptieme iour de Septēbre,
l'an mil cinq cens cinquante & vn. Signé
R. du Beguin & I. du Baille. Et sur le reply

M. Demyraumort, Et scellé à double queue
decire verte.

Je sçay bien, Monsieur, que quand
les medecins Fernel & Milet vous di-
rent que le mal de monsieur de Lon-
gueuille estoit incurable, & la mort à
la porte, vo^{us} ne les priastes de luy pro-
longer la vie, que pour trois ou quatre
iours: & sur l'heure mesme luy feistes
dire par le sieur de la Brosse, que gra-
ces à Dieu il estoit hors de danger par
vostre aide: & que pour vous faire co-
gnoistre la souuenance qu'il auoit de
vous, & vous maintenir en bonne vo-
lonté enuers luy pour l'aduenir, il se-
roit expedient que par vn testament,
qui ne seruiroit que de contenance, il
vous dōnast tout ce qu'il pouuoit dō-
ner à vn estranger: vsant de ces mots,
q̃ c'estoit vn ieu sans hazard. A quoy
ce ieune seigneur respondit, Que lon
feist tout ce q̃ lon verroit à faire pour

le mieux. Ce pendant vous depeschastes en toute diligence consulter à Paris vne donation, & sur la consultation fut dressé ce beau testamēt, digne vrayement d'un si grand seigneur. Ce testament dressé en haste (car la mort vous pressoit) fut présenté à signer en presence des tesmoins y denómez, dont quelqu'un d'eux ne veit rien: & à l'heure mesme sont les notaires introduicts pour luy en faire lecture. Or ne auoit ce ieune seigneur (desia pl⁹ mort que vif) plus qu'une parolle dedans le corps, qu'il gardoit pour à l'extreme onction tesmoigner au prebstre de sa foy enuers Dieu: laquelle, mōsieur son oncle, vous luy feistes arracher, pour tesmoigner aux notaires que le seing apposé en ceste fueille de papier, que vous appelez son testamēt, estoit sien: & de crainte q̄ cest Ouy qu'il gardoit au prestre ne luy eschappast trop tost,

vous luy feistes faire deux interroga-
toires ensemble (dont les notaires mā-
gerent la moitié entre les dents) s'il a-
uoit signé la fueille de papier, & vou-
loit qu'elle sortist effect : & là fut em-
ployé son dernier soupir pour dire
Ouy : q̄ les notaires entendirēt mieux
de la main q̄ de l'oreille. Je ne demā-
de poit s'il y a Loy, Decret, Decretale,
droict escript ne coustume, qui die, q̄
Faites ce q̄ vous verrez pour le mieux,
soit vn testament: ne pourquoy lectu-
re ne fut faicte au deffunct de ce qu'il
deuoit signer, cōme elle fut par les no-
taires, apres qu'il eut signé: ne quel be-
soing il estoit de recognoissāce si pre-
cipitee, veu le nombre de personnes y
denommees: ne pourquoy tout d'une
venue (puis que c'estoit en mesme in-
stāt) lon ne faisoit receuoir aux notai-
res le testament entier. Je ne vous de-
māde point aussi pourquoy vous vou-

liez desheriter les vrayz & legitimes
heritiers de ceste grãde maison là , sa-
chant bien que ce n'estoit à autre fin q̃
d'y laisser marques qu'autresfois elle
auroit esté alliee à la vostre . Mais ie
vous demande quelz biens vous auiez
faicts à ce testateur vostre nepueu &
mineur , qu'un oncle & curateur ne
deust auoir faicts : & pourquoy en cela
vo^r couriez sus à vostre propre sœur,
mere de l'ëfant , & heritiere aux meu-
bles de son fils : Et comment tous voz
praticiẽs & ingenieurs de telles dona-
tions & testamens, ne s'aduiserent, ne
vous mesmes, qui les mettiez en besõ-
gne, que vous estiez curateur du te-
stateur.

Voyla donc vn testament à l'vsage
de Guyse, lequel no^r remarque d'une
part l'iniquité vostre, & de l'autre part
la iustice de Dieu : laquelle cõme elle
vous ait assubiecti à vn perpetuel mal-

heur, & destiné vne fin cōtraire à tous vos desseins & intétions, a voulu, que cōme il n'y eust en tout le monde personne hōneſte & legitime, qui ne fuſt capable de telle donation, elle a auſſi voulu qu'elle fuſt miſe au nom de vo⁹, qui ſeuł entre les hommes en eſtiez incapable : à fin que vous meſmes, & de voſtre propre main, vous receuſſiez voſtre iuſte payement. Car ainſi que par vn ſeuł mot, Ouy, vous auiez voulu brigander à la maiſon de Longueuille tāt de biēs acquis par de ſi grāds & memorables ſeruices, que au premier Conte de Dunois leur predeceſſeur lon peult iuſtement dōner l'honneur & la gloire du recouurement de la Frāce de la main des Anglois: Auſſi par vn ſeuł mot de Curateur que vous eſtiez, toute voſtre entreprinſe s'en eſtallee en vent & fumee. Si eſt-ce que ceſte maiſon là n'a peu euitier le mal-

heur, qu'un coup de voz grosses mâchoires ne soit demouré emprainct en son corps, par la spoliatiō de l'estat de grand Chambellan de France, que vostre feu frere (tant il fait bō eslire de tels gēs pour executeurs de testamēts) luy rait contre tout deuoir & honneur: & pour les reliques du malheur de vostre alliance, vostre petit nepueu monsieur de Guyse a bien esté si outrecuidé vouloir entreprēdre de marcher deuant mōsieur de Longueuille à la derniere entree de Bayonne, dont il fut tondu raiz comme vn moine, bō presage, que cōme il vous est heritier de meurs & de malignes entreprinſes, aussi sera-il successeur & heritier durāt vostre vie de ce malheur fatal, qui tourne toutes voz entreprises & actions à contrepoil & au rebours de voz intentions.

L'autre mariage de vostre mesme

sœur a-il esté plus heureux aux Escos-
sois, que le premier à la maison de Lō-
gueuille? Car quand est-ce que les Es-
cossais se sont rebellez, sinon contre
elle? ne que tant de pauuretez & mise-
res sont aduenus en ce Royaume là,
que de son tēps, & que lon disoit en cō-
mun prouerbe, qu'elle & le seigneur
d'Oysel Ambassadeur François auoyēt
esté reduicts au petit Liēt. Je laisse l'e-
quiuoque, & ne parle que de la ville
en laquelle ils furent assiegez.

Vostre niepce a esté par vn courroux
de Dieu enuers les François mariee au
Roy de France dernier decedé. Y eut-
il iamais tant de tumultes & rebelliōs,
tant de pilleries, ne tant de sang espā-
du en l'un & en l'autre Royaume, que
durant leur mariage? La necessité des
affaires d'Escoce tenoit les Escossais
inseparablement vnis aux François,
les aimoyent & honoroyent comme

leurs protecteurs : mais si tost que la France eut halené vostre niepce, ces pauvres gens d'oultre-mer commencerent à se desioindre, & se reuoltans contre eux mesmes & contre leur propre proffict chasserent les François. Mais de vostre part auez-vous mieux traicté ce nepueu de France, que celuy de Longueuille? Car y eut-il iamais Roy, Prince, Seigneur ne maistre tant pillé & desrobé, qu'il a esté de vous en toutes façons? ne au contraire y eut-il iamais artisan, seruiteur de boutique, ne apprenty qui ait si vilainement abandonné son maistre à la mort, que vous tous abandonnastes ce Roy vostre Seigneur, vostre nepueu & bien-faicteur? car de six freres que vous estiez, qui est celuy qui le daigna ôques honorer d'un petit conuoy? Vostre frere aîné voyant le grand Roy François en l'agonie de la mort, disoit tout

hault en la chãbre de madame la Daul
phine, Ils'en va le galand. Vous à la
mort du Roy Héry dites-vous pas en
vostre chambre, Que le compaignon
qui vous vouloit chasser deslogeroit
le premier:& to⁹ ensemble feistes-vo⁹
pas bâqueroutte au Roy Frãçois der-
nier? Quelles gens estes-vous qui ap-
pelez vos Rois galãds, qui vous faites
leurs compaignós, & vous resiouissez
en la mort d'iceux? Que doibt esperer
de vous le Roy, qui vit à present, & q̃
Dieu garde, voyãt comme vous auez
traicté son ayeul, son pere & son frere?

Mais tous ces malheurs auoyent de
long temps esté predicts aux François
par ce bon homme du village du Me-
nil Aubry, dont les vers sont grauez
huiët vingts ans auant ce iourd'huy
en la voulte de l'Eglise dudit lieu, ainsi
que vous auez veu par la seconde res-
ponse à vostre lettre: car dict il,

Garde, Frāce, que chausses Lorraines soyēt
Iamais ioīctes à tō corps, ne à tō pourpoīct,
Cheres serōt esguillettes qui les ioindront,
Et ce malheur aux bōs Frāçois apporterōt:
Mais si ce meschef t'aduient, coupe ce qui
les ioint,
Et les chausses iette (pour te sauuer) au loīg.

Je ne veux pas contredire à ceux qui
dient que ceste prophetie predict du
mariage de vostre niepce, & que com
me elle a esté quant au malheur accō-
plie, le remede aussi a esté executé par
le retour d'elle en son Royaume. Ain-
si reduisant la France à la personne du
Roy, & entendant par les chausses les
alliances des femmes Lorraines, il leur
semble qu'ils vous ont bien tiré de la
presse: ne considerant point que cōtre
vous & vostre maison demeure touf-
iours la prophetie du feu Roy Frāçois
le grand, lequel predict (helas trop ve-
ritablement!) au Roy Henry son fils,
lors qu'il luy donna sa derniere bene-

dition, que vous le mettriez vn iour
en pourpoint & son peuple en che-
mise. Je ne veux pas aussi faire vne
nouuelle interpretation de ma part,
mais ie demande quelle raison il y a q̃
les parolles generalles ne soyēt gene-
ralement entendues : & pourquoy voz
gens les restraindront, pour par force
& violence les courber en vn sens spe-
cial : Côme ainsi soit q̃ par sens & ter-
mes exprés la prediction defend aux
François & par termes pluriers toutes
alliâces de la maison Lorraine : & que
nous voyons desia par les exēples que
i'ay proposees de vostre seule maison,
que ce malheur est si vniuersel à vostre
maison, que vous ne me sçauriez nō-
mer vne seule maison à laquelle vostre
alliâce n'ait esté funeste & infortunee:
ne faisant point de doubte que côme
ce François du Menil Aubry, qui n'a
eu soing que des siens, a predict pour

la France: il ne s'en trouue autres predictions par les estrangers. Et puis comment pouuez-vous dire, que vous ne soyez cōpris en ceste prophetie, si vo⁹ ne voulez nier q̃ vous soyez de la maison de Lorraine? Mais au contraire si les premieres sentences s'expliquent par les suyuantés: ie dy que la prophetie du Menil Aubry, expliquee par celle du Roy François, qui a parlé particulièrement de vostre malheur, se doit entendre de vostre seule race & maison de Guyse, de laquelle vostre niepce est plus prochainement issue, que de celle de Lorraine, à laquelle elle n'appartient que par vostre moyen. Mais encores si ce malheur ne procedoit q̃ de vostre niepce, d'où viendroit que le remede de la prophetie estant executé par son retour en Escosse, & les chaufses iettees au loing, la France ne s'en porte point mieux, & le mal luy cōti-

nue? Venons donc au sens & aux paroles expresses de la prophetie, & me dites qui a fait le mariage du feu Roy & d'elle, sinon vous autres: car trop vous en estes vantez le tēps passé pour le nier à present. Vous estes donc les esguillettes qui auez ioinct les chausses à ce corps & à ce pourpoint. Or cōme la pphetie attache le malheur aux chausses Lorraines, aussi fait-elle la cherté aux esguillettes. Esguillettes (dit-elle) qui ce malheur aux bons François apporteront: C'est donc vous & vostre malencōtre qui a attaché & ce malheur apporté en France. Or cōme il ne soit possible oster les chausses sans le pourpoint, qui ne rompt ou deslie ce qui les ioinct, à bō droict la prophetie a voulu que lon commenceast aux esguillettes. Tel estoit bien le but & deliberatiō du debonnaire Roy Héry, & de purger son Royaume de vo-

stre race : mais pource qu'il ne l'auoit
faict quand il le pouuoit, Dieu ne vou
lut pas qu'il le feist quand il le voulut.
Et à present, que Dieu a, selon vostre
interpretation mesme, deliuré la Frã
ce de vostre niepce, si le Roy ne rôpt
bien tost les esguillertes, il est à crain
dre qu'elles n'attachent à son Royau
me vn plus grief malheur que le pre
mier, lequel il ne pourra pas peult-e
stre destacher quãd il voudra. Car cõ
me de la cherté vient la famine, riẽ ne
sert d'auoir appaisé la famine, si la cher
té cõtinue, pour ramener vne recidi
uãte famine plus cruelle q̃ la premiere

Si donc tant de grandes & illustres
familles, si tout vn Royaume si grãd,
si opulent & puissant ne se sont peu ex
empter de vostre malheur, par les al
liances & communications qu'ils ont
eues avec vous, comment est-ce que
moy particulierement m'en pourrois
sauuer

sauuer, vous cōmunicuāt mon nom,
& le vous laissant prendre & vsurper ?
seroit-ce pas consentir à vostre lettre,
& aux iniures & mensonges que vous
y auez mises, si ie m'en taisois ? Je sçay
bien que tout le monde cognoist que
vostre seule fierté & arrogance, & ce
mespris que vous feistes de l'autorité
Royalle en la personne du Lieutenant
du Roy en l'Isle de France, fut cause de
vostre honte à Paris : & vous voulez
que ie charge l'innocent, (ie dy vostre
iuste iuge) qu'il vo^r a voulu tuer. Vous
offenserez le ciel & la terre, & i'auoüe-
ray l'offense : Vous ferez le mal & i'en
feray puny. Non, monsieur le Reue-
rēdissime, qui a faiēt la faulte, si la boi-
ue. Mais comment estes-vous si des-
pourueu de credit en Lorraine, dont
vous estes fraischement venu, & en
Frāce, dont vous estes natif, que vous
nayez trouué hōme qui en cela vous

ait voulu prester son nom? Artus
Desiré est-il mort, & le Curé de saint
Paterne? Ce Chanoine & Precenteur
de Lyon dort-il, & Demochares l'In-
quisiteur est-il encores en queste de
la foy:ou si Villegaignon, qui le iour
de vostre honte vous accompagnoit,
craind encores l'estrille & l'espouffet-
te? Qui vous a aduisé de moy? Ie ne
vous vey iamais qu'une fois à la mal-
heure:& maintenant à bõne heure ne
vous vueil iamais reuoir. Vous estes
pour vray merueilleusement familier
& aisé à appriuoiser. Tous vos Custo-
dinos de benefices sont-ils pleins, ont
ils leur charge & leur portee, que la
leur lasche & large cõscience n'ait peu
pour vous & pour ce coup logger enco-
res ce petit benefice?ou s'ils se conten-
tēt de vous faire plaisir, pourueu qu'ils
ne facēt à autrui iniure ne desplaisir,
ou vrayemēt qu'ils aiment mieux mal

faire que mal dire? Ceux qui vous ont
corrigé, amplifié & faict imprimer à
Paris vostre lettre, vous ont-ils refusé
de leur nom, & s'ils le tiennent plus
cher que leur main, laquelle ils vous
ont si liberalement prestee? Car qui
vault mieux, Estre meschât sans en a-
uoir le bruiet, ou en auoir le bruiet sâs
l'estre de vray? Mais où auiez vous l'en-
tendement d'enuoyer vostre lettre en
Espaigne, où vous estes mieucx cogneu
qu'en Frâce? Entendez-vous point que
si vous estiez bon ou vtile à quelque
chose, le Roy Catholique nostre mai-
stre vous aimeroit mieux pour luy q̃
pour les François: & que la peine qu'il
préd de vous mettre & tenir en la bõ-
ne grace du Roy de France son frere,
viët de crainte qu'il ha que vous estât
chassé de France (cõme vous ne pou-
uez faillir) vous ne luy tombiez sur les
bras, & ne l'infectiez de vostre mal-

heur? Péséz-vous que pour auoir trahi la cause du Roy vostre maistre sur la preseāce de ses Ambassadeurs au Cōcile de Trente, nostre maistre vous en prise & estime : veu que par vostre lettre mesme vous cōfessez que ceux qui aiment la trahison, hayssent & detestent les traistres, & qui cōniuent aux larrecins, abhorrent les larrōs? Nostre Cardinal d'Arras, qui n'est que vostre apprēty, & broüille tout son estat, que feroit-il doncques s'il auoit accueilly avec luy le maistre des œuures? Mais qui cognoist mieux vous & vostre stile que Dom Diego : ne moy, & le miē que le gentilhōme mon voisin auquel vous auez attiltré vostre lettre? ne cōment vous estes-vous adressé à eux pour les tromper? Vous n'entēdez pas pour vray les Escriptures.

Estes-vous si craintif de vostre renommee, & hazardeux de celle d'au-

truy, si degousté de vostre nom & af-
fame du mien, chiche de vostre repu-
tation, & prodigue de celle des autres,
que vous ayez deu me desrober pour
vous espargner? ou si vostre nom vous
desplaist, & le voulez laisser côme vo-
stre ayeul laissa celuy de son pere?
ou s'il n'est assez ou trop cogneu, ou si
vous en voulez auoir plusieurs? Igno-
rez-vous que changer son nom n'est
pas loisible, & qui sans cause le mue est
en coulpe, dit la loy? & s'il le fait pour
autruy deceuoir, c'est crime formé.
Vostre ayeul René chāgeāt son nom,
se voulut faire Prince de France, & par
l'Admiral Grand-uille en fut chassé.
Vous voulustes prendre le tiltre d'An-
iou, & sans la Dame qui vous portoit,
vo⁹ eussiez eu biē estroit sur les doigts.
Que fera dōcques que vous auez chā-
gé le vostre au mien pour autruy de-
ceuoir & iniurier? Qui prēd, dit la loy,

la chose d'autrui sans son sceu & vouloir, fait larrecin. Qui emprunte (dit-elle) sans vouloir rendre, en fait aussi: cōme feistes de la croix d'or de la veufue & heritiers de Hotman, & d'assez d'autres que vous retenez iniustement à de pauvres veufues & mineurs. Cestuy là (dit-elle) encores est larron, qui abuse de la chose empruntée. Quelle espece de crime sera dōc le vostre, qui auez prins à cachette mon nom cōtre mō sceu & vouloir, en auez abusé pour d'autres iniurier, & les iniuriant m'en auez moymesmes outragé? Car quel plus grand outrage me pouuez-vous faire, que offenser mon honneur, plus cher & plus recōmandable que la vie? Est-il deshōneur semblable à celuy de faulx tesmoing? est-il apres cela dommage pareil que la guerre, en laquelle vous me voulez ietter contre vn Marechal & Admiral de Frāce, dont ce-

fluy cy est venu à bout de vostre frere,
& l'autre vous a fait la reste? Qu'est-
ce que ie dy Marechal ne Admiral?
ie dy le Roy & le Royaume entierement:
Car qui est ce qui vous peut dire Prince
de France ou de la Couronne, comme vous
me faites parler par vostre lettre, sans dire
que le Roy est, & que ses predecesseurs
ont esté tyrãs & vsurpateurs du Royaume,
& à haulte voix rappeler les Anglois en
Frâce? Qui est ce qui peut dire que vous
tenez rang de Prince en France, sans abolir
entierement l'estat & aneantir la loy Salique,
& les establiffemēts qui ont de la grace de
Dieu amené la France à la splendeur, haultesse
& amplitude que nous la voyōs, & par la
singuliere vertu des François y a esté de la
mesme grace par tant de siecles & centeines
d'ans maintenue? Si vous y tenez rang de
Prince, le Duc

de Lorraine y tiēdra rang de Roy: qui
est à mon aduis la cause pour laquelle
vo⁹ appellez le Roy Héry le cōpaignō
qui chasse les autres. Voyla fort hōno-
rablement parlé à vous & à vostre fre-
re de vos Rois, vos maistres & Seignrs:
l'un les appelle galāds, & l'autre cōpa-
gnons. Si vous auiez gaigné ce poict
de faire le Duc de Lorraine egal aux
Rois, & vous cōpaignō des Prīces, viē-
driez vous-pas apres à debatre q̄ mar-
cheroit deuant le Roy ou luy: & pour
le moins à qui tiēdroit le costé droict,
comme par vostre artifice & aduis la
preseance de l'Ambassadeur de Frāce
fut mise en debat au dernier Concile.
Que deuiendroyent les iugemēs des
Papes & des Cardinaulx, tāt d'arrests
de la Cour de Parlement, & les sentē-
ces, voix & suffrages de tous les Estats
de Frāce, & de tāt d'autres qui ont iu-
gé vostre principauté (dōt le liure des

Marchans, & l'une & l'autre responce
à vostre lettre sont pleins) si vous estiez
Prince. Vostre ayeul René pour tel cas
fut chassé: Le Roy François le grād en
debouta vostre frere Duc d'Aumale,
& le Roy Héry (l'amour de Dieu & du
mōde) vous arracha le tiltre d'Aniou:
& vous estimez que le fils, la gloire &
vertu de ces deux grāds Rois là, vous
endurera ouuertement & à enseignes
desployees vsr du tiltre de ses Prīces.
Les Cardinaulx feirent de vostre frere
aisné vn bas bout de leur table, & vo⁹
serez au rang des Rois & des Princes
Frāçois. Le president Lizet vous feit
rayer en plein Parlement la qualité de
Prince par vous vsurpee, & vn Maref-
chal de Montmorēcy le vous souffri-
ra? Et pource q̄ vous craignez le fouēt
que pour cela vous meritez, vous cher-
chez vn respondant pour estre fouet-
té pour vous. Et à fin q̄ ie ne die plus

que ce mot de vostre principauté, cō-
ment seriez-vous Princes, veu que nul
de voz predecesseurs ne porta iamais
autre couronne que celle de prestre,
que vous portez. Encores fauldroit-il
que vous fussiez descendu en droicte
ligne de quelqu'un de ces prestres là.
Vous n'estes par masse ne par femme
de la maison de Charlemagne: Aussi
peu estes-vous des Rois de Sicile & de
Ierusalem: car Godefroy n'eut point
d'ēfants, & la lignee du Duc d'Aniou,
qui pouuoit engendrer des Princes, a
long temps a prins fin. Car comme ce
Duc d'Aniou ne fut Lorrain q̄ de par
sa femme: aussi laissa-il la Lorraine à
vne fille mariee à Ferri de Vaudemōt,
ayeul de vostre pere: & la lumiere que
ceste Dame auoit apportee de la mai-
son de son pere, s'esteignit dedans la
lanterne de Vaudemont, & s'abyssa
en la fōdriere de Lorraine: de maniere

que le malheur d'auoir prins ce mary
de lieu moindre que le sien, luy osta
l'heur, l'honneur & la gloire de faire
des Princes, qui ne se fillēt point, cōme
dit ce marchant de Paris, à la quenoi-
le ne au fuseau. Vostre bisayeulle dōc
fut Princeſſe, vostre propre mere l'est
(voire des plus religieuses de la terre)
& n'ont peu pour le vice originaire de
vostre maison paternelle engendrer
des Princes: là où au cōtraire la niepce
du Conneſtable & de l'Admiral, &
tant d'autres parētes & filles de la mai-
son de la Val & Montmorency, en
ont produict & engendré: la race des-
quels, & la posterité dure, & au plai-
sir de Dieu durera à tousiours. Ce
mesme Duc d'Aniou fut aussi Roy de
Sicile: & de son viuant la perdit: sa
fille ne son gendre n'en iouyrent ia-
mais, & vostre grand pere, qui n'en ap-
procha que de deux cens lieues pres,

pour en auoir prins les escussōs en sera Roy? Les Royaumes, seigneur Reuerendissime, qui si legierement s'acquierent, sont, comme dit le prouerbe ancien, fort subiects au vent & à la pluye. Encores ie loue vostre ayeul d'y auoir accueilly les armes de Ierusalem, à fin que par ledernier il mōstrast le droit & la possession qu'il auoit du premier. Ceux qui ont perdu quelque chose, ne l'ont plus, & n'en sont plus seigneurs: & vostre ayeul sera Roy de ce qu'il n'eut onques. Et vrayement ie vous accorde que vous soyez les Princes de ce Roy là. Ce que vous n'avez point perdu (seigneur Reuerēdissime) vous l'avez encores, vous n'avez point perdu les cornes: ainsi estes vous bien cornu, de penser retenir la principauté d'un Royaume que vos ancestres n'eurent onques. Et vrayement si à droict vous estes Princes, les enfās du

Roy des Gaulois (i'entens de ce Denis duquel vous parlez en vostre lettre) ont plus iuste occasion de se dire Princes, pour le tiltre vniuersel qu'on luy en donne, & la iouyssance mentale qu'il en ha, que vous qui n'en auez que les escussions : ausquels vous faites dire ce que vostre bouche n'ose prononcer. A telle principauté nul ne vous portera enuie, & cōme tel serez assis au hault bout de la table. Mais si les vrais Princes sont ceux qui sont issus de Roy, ou seigneur Souuerain, ne recognoissans point de superieur, cōment est-ce que les Ducs de Lorraine (qui d'vne part cognoissent la souveraineté del'Empire, & d'autre part sōt vassaux du Roy) engendreront des Princes : Si à mesme raison les enfans du Duc de Montmorency (qui ne recognoist superieur que le Roy) & tous les enfans des autres Ducs de France

ne le sont aussi? Et toutesfois pas vn de
ceux là, ores qu'ils ne s'estiment pas
moins que vous, ne l'ont entrepris, &
moins vous le souffriront vsurper.

Qui vous excusera que par vostre
belle lettre vous tournez à vice (ainsi q̃
le serpent tourne toute viande en son
venin) à l'un & à l'autre desdicts sieurs
Mareschal & Admiral, la chose dont
pour ce temps ils sont plus louables &
à priser, & qui plus importe au seruice
du Roy leur maistre? Le Mareschal de
Montmorency (dites-vous) s'accom-
pagne & sert de ceux de l'une & l'au-
tre Religion: & trouuez estrange que
monseigneur le Prince de Portian & le
sieur de Bussi son frere se rangēt à luy.
Pourquoy le fait ce seigneur Mares-
chal, sinō pource que le Roy son mai-
stre le veult & ordonne? ne pourquoy
le Roy le veult-il, sinon qu'estant sei-
gneur des vns & des autres, il les aime

egalement, & les aimāt leur veult par
son exēple faire cognoistre qu'ils doi-
uent s'entr'aimer aussi: pource que de
leur vnion & concorde depend leur
salut, & de leur discorde leur entiere
ruine ? Il les aime pource qu'ils sont
siens, & vous les hayssiez pource que
vous n'y auez rien. Autant en dites-
vous dudiēt sieur Admiral, lequel se-
lon vostre dire, enseigne aux autres à
se comporter enuers tous, cōpatissant
luymesme les vns & les autres. Pour-
quoy cela, sinon qu'il est obeissant aux
loix, ordonnances, & commandemēs
du Roy son souuerain Seigneur, à fin
qu'obeissant luymesme il sache mieux
faire obeir les autres ? Qui vous fait
trouuer estrange l'obeissance & le de-
voir de ce seignr Prince Portian, Bussy
son frere, & de tous les autres que vous
nōmez, enuers le Lieutenant de Roy,
sinon vostre rebellion & desobeissan-

ce? Qui est-ce qui ne peult endurer la
lueur du soleil, que l'œil chassieux cō-
me le vostre? Quel est l'office du Chre-
stiē, que d'aimer Dieu? Qui est-ce qui
peult aimer Dieu & hayr son prochaĩ?
Qui est-ce qui peult aimer Dieu, sans
reuerer & fermement aimer le Roy,
Lieutenant en terre, & viue image du
Dieu viuāt? Le Mareschal de Mont-
morēcy le fait: l'Admiral (dites-vous)
instruit les autres à cela. Le Prince de
Portian, Bussi son frere, & les autres q̃
vous accusez, le vous enseignent par
exēple: que ferez donc qui leur repro-
chez & les en blasmez? La religiō Ca-
tholique s'est desbordee par toute l'E-
urope en Papiste & Huguenot: le Pape
vous souhaitte Huguenot, & estes biē
marri que vous ne l'auiez esté plus tost:
le Huguenot vo⁹ desire Pape, & vous
le voudriez bien estre. A tous les deux
commande lediēt sieur Mareschal, &
l'un

l'un & l'autre obeissent audit sieur Admiral : & au contraire le Papiste & le Huguenot , le Romain & le Catholique vous abhorre, vous chasse & deteste. Pauvre hōme, qui voulez ce que ne pouuez, & ne pouuez ce que voulez, tant l'ire de Dieu est furieusement descochee à l'encontre vous, qui ne pouuez auoir de plus griefs tourmens que vos pēsees, ne de plus cruel bourreau que vous & vos propres mains !

Mais(ie vous prie) que vous ont faict lesdicts Marechal & Admiral? L'Admiral (dites-uous) a faict mourir vostre frere. Il vous dit que non : pourquoy en ferez-uous plustost creu que luy? Le Daulphin de France, fils aîné du grand Roy François, fut empoisonné par le Comte Sebastian de Montecuculo, subiect & vassal du Duc de Ferrare, beau pere de feu vostre frere aîné : Luy interrogé confessa librement

& persista iusques à la mort, qu'il l'auoit faict par le conseil & aduis, par les mencees & pratiques de Dom Fernád de Gonzague, frere du premier Duc de Mantoue: & toutesfois le feu Roy François le grand se contenta q̃ Dom Fernand afferma par sermēt qu'il n'en auoit esté consentant, auteur, conseiller ny participant. Vous n'avez point de preuues cōtre lediēt sieur Admiral, & celuy mesme qui l'accuse le descharge: en quoy il est pariure, incertain, & variable en toutes manieres, & par sa contradiction necessairement menteur. Et toutesfois vous ne vous cōtentez pas que lediēt sieur Admiral vous dit, vous iure & affirme, qu'il n'a conseillé, procuré, ne donné aduis de la mort de vostre frere: & vo⁹ semble (tant vous auez l'entendement tourné à gauche) que c'est assez pour le cōuaincre de ceste mort, qu'il a pris

plaisir à icelle: en quoy ie vo⁹ cōfesse, si
cela est vray, qu'il l'a tué, & qu'il ha en
cela beaucoup de complices. Car qui
est celuy des François (i'entens des gēs
de bien, & qui demandent repos,) qui
ne s'en soit infiniment resiouy: & si
quelqu'un en a esté pour l'heure mar-
ry, qui depuis n'en ait ri & châté avec
vsure: ayans tous cogneu combien il
estoit pernicieux au Roy & au Royau-
me, & que sa seule mort a engendré la
paix en France.

Quant à mōsieur le Marechal, que
vous a-il faiât autre chose, que vous
faire adorer la Maieité de son Roy, la-
quelle vo⁹ auiez trop arrogāmēt mes-
prisee, vo⁹ faisant cognoistre qu'il n'y
a bōnet, beguin, chappe, chapeau, ne
chapelle, qui porte franchise, repos ne
asseurāce en France, que la seule reco-
gnissance du Roy, & vraye obeissan-
ce à ses loix & edicts. Et vo⁹ dites qu'il

vous a voulu tuer & faire assassiner:
vous deuiez dire sacrifier, cōme ainsi
soit qu'il ne soit de plus excellēt sacri-
fice, qu'un cueur dolent, cōtrit & hu-
milié, comme il a rédu le vostre, vous
faisant (comme i'ay dict) adorer la ma-
iesté mesprisee: qui est pour vray vous
faire mourir, tant vous estes superbe
& outrecuidé ennemi du Roy & de
son estat.

Mais commēt vous-estes-vous ad-
dressé à ces deux seigneurs là, veu que
vous sçauiez qu'ils ont, cōme lon dit,
du foin en la corne: & que chascun
d'eux sçait faire & parler ensemble.
Comment vous mettez-vous à escri-
re contre eux, veu que vous ne sçauiez
du Grec non plus qu'eux: & quant au
Latin, ils entendent & parlent le Fran-
çois aussi biē que vous: s'ils n'ont tant
de liures que vous, ils en ont d'aussi
vieux que les vostres. Si vous auez plus

leu, ils ont mieux retenu. Si plus vous
auez trauaillé, ils ont mieux prouité:
& si vostre langaige est plus mignard
& affecté, le leur est plus succint &
mieux assaisonné. Quelle hache trā-
chante fut-ce aux paroles de mōsieur
de Guyse vostre frere en ceste gran-
de assemblee faicte à Fontainebleau
sous le feu Roy François dernier de-
ceddé, que ce discours dudit sieur
Admiral sur les cruantez qui s'exer-
çoient au nom du Roy, qui vous ren-
doient odieux aux vostres mesmes?
Vostre frere & vous auiez de lon-
gue main arresté ce qui seroit delibe-
ré en ceste assemblee: vous auiez l'un
& l'autre si longuement estudié vo-
stre leçon:& ce seul discours (qui feit
tourner les yeulx de toute l'assemblee
sur vous) dissipa comme vn vent im-
petueux tous voz pourpensers & ha-
rangues: de telle sorte que vostre frere

(qui à la verité parloit mieux qu'il ne faisoit) se trouua si court de sens & de parolles, que s'excusant sur les premiers qui auoyēt parlé, s'arresta à deduire (Dieu sçait avec quelle espargne de verité) que les tumultes d'Amboise auoyent esté bastis contre le Roy mesme, & non pas contre vous & luy, comme si les François pouuoÿēt hayr leur Roy & naturel Seigneur: celuy dy-ie, qui estoit fils du plus benin & debonnaire Roy que la terre en porta iamais, vn Roy legitime, & qui pour son aage n'auoit mesfaict ne mesdict à personne viuāt, pour aimer des Lorrains, hays de Dieu & des humains. Mais quelle fut vostre harāgue à vous mesmes? la deliberation estoit des moyens comme lon pourroit appaiser les troubles, esmeuz par le Royaume, mesmemēt pour le faict de la Religion. L'Archeuesque de Marillac

auoit ouuert l'estomach du Pape, le grand Chancelier luy auoit laué la teste, l'assemblée des Estats & le Concile national (qui promptement n'en pourroit auoir vn general) trottoit par la bouche des opinans : vne résidence aussi des Prelats & Gouverneurs se faisoit ouir par toute l'assemblée : & vous (seigneur Reuerendissime) fondistes comme neige, & tout vostre babillard s'escoula à disputer, lequel des deux du Papiste & du Huguenot auoit le saint Esprit, & la vraye intelligence des Escriptions : (discours fort propre & bien aduenant à la matiere subiet- te:) là où ne vous peustes garder d'attaquer ce faige Conseiller de Marillac, qui auoit dict que nul n'auoit tât d'intérest à l'assemblée des Estats que monsieur vostre frere & vous, pour la crierie vniuerselle du Royaume que vous mettiez les finances du Roy en voz

bourſes: dont il eſperoit (diſoit-il pour vous flatter) que vous en ſçauriez rendre bon compte : & luy reprochaſtes que la deliberation n'eſtoit pas ſi lon aſſembleroit les Eſtats , comme ſi l'aſſemblee des Eſtats n'a pas tousiours apporté grand repos aux troubles, quand on les a tenuz & maniez comme il appartient : ou bien que voſtre queſtion de l'intelligence des Eſcriptures, & de la demeure du ſainct Eſprit fuſt mieux à propos du ſubiect mis en deliberatiō, ou que voſtre queſtion ſe peuſt expliquer par celuy qui luymesme n'auroit le ſainct Eſprit, lequel (comme dit l'Eſcripture) nul ne cognoiſt que par luymesme. Ne plus ne moins qu'à celuy qui diſoit que lon ne trouuoit plus de gens ſaiges, Xenophanes reſpondit , Que pour les cognoiſtre il falloit eſtre ſoymesme ſaige. Mais quelle remerité encores

à vous d'affaillir ces deux seigneurs là
ensemble, & tout d'un coup? Ignorez-
vo⁹ le proverbe, Trop en ha qui deux
en meine? & ce que dit le poete d'Æ-
neas Iliade cinquieme,

Combien qu'il fust remuant & léger,
Deux en combattre il estimoit dāger.

Je ne veux pas discourir toutes les
sottises qui sont dedans vostre lettre.
Ces deux responses que lon vous y a
faictes, ont bien respondu à vne par-
tie: & ne doubtez pas que les Frāçois
voyans vostre arrogance & ingrati-
tude enuers leur Roy & le vostre(car qui
est plus offensé que luy par toute vo-
stre lettre) ne laisseront pas le reste en
arriere, & ne vous donneront rien des
arrieraiges. De ma part ie ne vous de-
māde que reparation: en quoy ie vous
prie considerer le tort que vous estes
faict à vous mesmes, par le sentiment
duquel vous puissiez apprehender ce-

luy que vous m'avez faict endurer.

Vous estiez (seigneur Reuerendissime) en grand repos de vos biens & de vostre personne. Ce premier discours sur vostre congé auoit terminé vostre cause, vous en estiez hors de Cour & proces, & personne ne vous demandoit plus rien : oubliance l'auoit rayé des registres de memoire & souuenance. Ce parlement & deuis des marchans de Paris auoit enseuely toute haine & mal talent, il en auoit fait les derniers seruices, obseques & funerailles ; & par vostre lettre vous auez ressus cité voz ennemis & resueillé les esprits endormis. Beaucoup de gens vous pensoyent Prince & de race Royale, & pour auoir voulu (comme le fiffre) trop hault monter, voyez en quel degré de Noblesse vous estes tombé, & le quantieme vous estes des Gentilshommes François. La plus

part respectoyent vostre maison & origine incogneue, l'autorité que vo⁹ auiez pres les Rois y faisoit ouuerture, la prelatüre & dignité Cardinale vous faisoit aussi reuerer: mais comme vice offusque & exclud (dit la loy) toute dignité, il n'y a si petit à present qui ne vous mesprise, qui ne vous abhorre & fuye, comme vne peste & contagion, & chascun vous en veult comme à vne beste furieuse & rauissante. Plusieurs (ie dy de ceux qui ne vous cognoissoyēt point, & ne vous iugeoyēt que par le dehors) vous estimoyent quelque sage & habile homme: & par vostre lettre (inepte, s'il en fut oncques au monde) vous produisez en tesmoignage certain & indubitable contre vous mesme, le labeur que vous auez employé en chose si deshoneste & reprochable, pour prouuer par vous mesmes, combien vous auez esté par

cy deuant paresseux à apprendre les choses bonnes, & vous exercer aux honnestes & profitables. Vous auez voulu faire vn grand Capitaine pour raualler l'Admiral de Frâce, & vous auez descouuert les vices, les imperfections & hypocrisies de celuy que vous auez voulu louer: n'ayant ledict sieur Admiral iamais esté pl⁹ fort, que quād il n'a eu que vostre frere & toute la force, la puissance & le conseil de vostre maison en teste: & au contraire, les forces du Roy ne furent onc plus foibles, que quand luy seul (ie dy vostre frere) les a menees & conduictes: ne le Royaume plus malheureux & infortuné, que quand vous deux y auez eu plus d'autorité. Iamais la religiō Romaine ne fut tant affligee, iamais ne receut vn tel decroissement, & ne furent onc leurs contraires en plus grād credit & repos, que quand elle s'est re-

posée en vous de sa protection. Pourtant le Cardinal Vitelli iustement vous reprocha en plein Consistoire de Rome, que vous estiez vn brouillon : & l'Archeuesque de Grenate en plein Cōcile, que vous estiez traistre à Dieu & à l'Eglise de Iesus Christ.

Si vostre esprit vain & leger n'a peu preuoir auant le faict le mal que vous faisiez, & qui aduiendroit de vostre lettre : si vostre bouillante & deprauée affection en le faisant ne l'a peu comprendre : si vostre conscience chancreuse ne vous en a donné apres le faict, le remors : à present que les responses & escripts que vous auez veuz, vous ont ouuert les yeux, & le vous ont faict penetrer iusques aux os : recognoissez-le, confessez-le, repentez vous en, & en faites satisfaction. Vous estes hay de Dieu & des hommes, du Ciel & de la terre : Vos

larrecins & pilleries, voz simulations
& hypocrisies, voz cruautez & trôpe-
ries sont descouuertes : chascun vous
condamne à la mort , chascun vous
cherche pour vous liurer au bourreau,
& vous voulez que ie vous preste mô
nom, & que pour me taire ie meure
pour vous. Cherchez d'oc (Seigneur
Reuerendissime) vne autre sot, vn au-
autre beste & victime qui vous rache-
te que moy , & iettez vostre cueur &
vostre penſee à la ſatisfaction. Gardez
vostre malheur pour la France qui
vous a recueilly , & pour les ſots & les
beſtes qui ſe fieront iamais en vous
non pas que ie deſire ce mal aux Frâ-
çois : mais comme noſtre imbecillité
fait commencer aux hommes charité
par eulx-mesmes , Il me ſemble plus
raiſonnable, & pour le moins plus ex-
pedient pour moy , que ceux qui ont
produict le mal le ſentent, que leurs

voisins : & comme ils ayent assez de moyens de s'en desfaire, & ne s'en remuent point, ils portent la peine de leur paresse & negligence.

Vous cognoissiez (disent voz gens) vostre faulte, & ne pensiez pas que vostre lettre se deust publier, & en estes bien marry. Cognoistre son mal, est vne partie de la guarison : mais qui ne va (dit le prouerbe) qu'à mi chemin, n'a pas faict le voyage. Pourtant de quoy me sert la cognoissance du mal que vous auez faict (car qui est celuy qui ne le cognoist comme vous?) veu que ce pëndant mon nom est en gaigne pour le vostre, & suis prisonnier, gehenné & torturé pour vous : ie suis assiegé & assailly de la plume de tous escriuains? Venez donc (monsieur) prenez la garantie pour moy, & vous mettez en cause. Ne vo⁹ excusez point sur l'impressiõ faicte sans vostre sceu:

car vous mesmes l'avez faicte imprimer, & les vostres l'ont deux ou trois fois faict repeter à la stampe de Paris. Leur imprimeur est prisonnier, & le confesse : & les autheurs le serōt peult estre bien tost. Et quand ainsi seroit que sās vostre sceu elle auroit esté imprimée, auez-uo^r point de plus beaux esbats, qu'à mal faire? ou si vous ignorez que tout exercice ou essay de chose illicite est defendu, & que la loy qui defend d'empoisonner, defend aussi ne par ieu, ne à bon escient en destrēper les bruuages, dont inconuenient puisse aduenir? Si vous auiez en chemin passant tendu vn piege, ou ietté pierre en rue publique, dont le passant eust esté offensé, voudriez-vous estre quicte pour dire, Ce sot, ce veau, ou estourdi de Cardinal s'esbattoit, & n'y pensoit pas: il s'en repent, & en est dolent & marry. Est-ce assez à vostre aduis

aduis, pour vn Cardinal, selon le stile
de l'eglise Romaine, de s'en repentir,
ou dequoy y seruiroit le sacrement de
confession ? à quoy feroit bon celuy
de penitence, que l'eschole a separé de
la repentance, ne tous les deux ensemble,
si satisfaction n'ensuit ? Repen-
tez-vous tout vostre saoul, faites pe-
nitence tant que vous pourrez, &
vous pendez par le col, si vous vou-
lez : si ne ferez-vous rien sans rendre
ce que vous auez de moy. Rendez-
moy doncques ce que m'auiez osté, &
reprenez ce que vous m'auiez baillé :
rendez mon nom que vous auez mis
en vostre lettre, & reprenez vostre let-
tre que vous auez mise en mon nom.
Pensez-vous estre quicte pour la con-
fession que voz gens en font, ne pour
la recognoissance que vous en auez
particulierement faicte entre les vo-

stres : Car puis que la faulte a esté publique, il fault que la confession le soit aussi. Et puis dequoy me seruiroit-il de le dire en l'oreille d'un prestre, qui possible n'en sçauroit rien, & s'il vous cognoist, ne vous en croira point, & ce pendant ceux qui auront veu vostre lettre, n'orront rien de vostre confession ? Faites doncques que i'en aye lettres, & que le Roy que vous auez fasché de la substance, & ennuyé de la lecture de la vostre, soit satisfait & resiouy par vostre confession. Ne vous faites point, ie vous prie, estendre sur les treteaux, cōfessez (Seigneur Reuerendissime) liberalement vostre faulte, auouez vostre escripture, & franchement recognoissez ce dont vous estes conuaincu. Dites hault & clair : Que vous auez temerairement & de lasche cueur cōposé ceste lettre:

Que les blasmes & iniures escriptes
contre les Seigneurs & Dames y de-
nommez, sont faulses & malitieuse-
ment controuuees : Que les iactan-
ces de vous, & des vostres de vostre
maison & principauté, & de voz ser-
uices & biensfaicts, sont mensonge-
res, & que de plus grande meschan-
ceté vous auez sans mon sceu ny con-
sentement, & contre mon vouloir es-
cript, & faict publier la lettre en mon
nom: Que vous en repentez de cueur
contrit & dolent, & que vous en criez
merci à Dieu, au Roy, à eux & à moy.
Cela faict, partez, cachez-vous, & ne
reuenez que ie ne vous aille querir.
Et si d'aduenture toute la lettre n'est
de vostre ceruelle, & que le moyne
qui feit vostre harangue à Poissy, soit
venu au secours, & y ait mis la main:
combien qu'en cela vous m'ayez faict


plus de tort, me faisant iniurieux comme vn moyne, & menteur comme vn Cardinal de Lorraine(ie dy faiçt sans lettre, ainsi q̃ vous prometez sans tenir, empruntez sans randre, & achep-
tez assez sans payer) & qu'en crimes & delictz benefice de diuision ne garantie n'ait point de lieu. Toutesfois mettāt à part ce qui est de vostre chapeau & beguin, & ce qui est du froc & capussin du frere frappart, ie vous receuray à ce benefice pour vostre part. Et pour l'aduenir considerez que celuy qui commence debat, est comme celuy qui fait passage à l'eau : pourtant vous estes cause de toutes ces responses & escripts, & ayant de vous mesmes prouoqué iusques aux plus doux esprits. Et comme ce premier discours vous a donné la recepte de vaincre voz ennemis, en vous faisant

(selon le dire de Diogenes) homme de
bien : pour y paruenir prenez le con-
seil que Peleus donna à son fils Achil-
les, allant à la guerre de Troye,

Te gardant (dit-il) de simulation
Et d'appetit de vindication,
En ce faisant des ieunes & des vieux
Prisé seras, & t'en aimeront mieux.

F I N.

The first of these is the fact that the
 second of these is the fact that the
 third of these is the fact that the
 fourth of these is the fact that the
 fifth of these is the fact that the
 sixth of these is the fact that the
 seventh of these is the fact that the
 eighth of these is the fact that the
 ninth of these is the fact that the
 tenth of these is the fact that the




**THE
NEWBERRY
LIBRARY**